



Projet promovût di 'La Vôs dai Furlans' e 'ARLeF'

# MAMAN

la VÔS dai FURLANS

Lu saveviso che...?



Dongje dal paîs di Clausêt, tes Prealps Furlanis, si puedin visitâ lis Grotis verdis di Pradis. Al è un puest biel e interessant: culi al è pussibil tornâ indaûr tal timp e viodi i lûcs dulà che, tal Paleolitic, a vivevin l'om di Neanderthal, l'omo Sapiens... ma ancje l'ors des cavernis! Une riproduzion di chest animâl grandon, cjaçât dai nestrîs antenâts pe sô piel che e parave dal frêt, si pues viodile tal Museu che al è dongje des Grotis.

Il carton de setemane




Un om misteriôs al rive in paîs la dì dal complean di Resh. Cui saraial mai e di dulà rival?

Cjalin insiemi la pontade di Horaci "Un om misteriôs" su




Cumò fâs tu!

Cîr tal dissen lis stelis e colorilis di zâl. Colore invezit i cerclis di celest.



Piture il dissen



Ridi a plene panze!

Un siôr al clame un mecanic e i dîs:  
"Sandri, la machine no partis! Ce aio di fâ?"  
"Âstu controlât lis spiis?"  
"Orpo, parcè? Pensistu che cualchidun mi tegni di voli?"

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman!? **Cirilîs su**



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

## STELIS E LUSIGNIS

Noa



**Roc.** Alc di chei che ti son intor no ti convinc, tu fasis ben a fâ cualchi pas indaûr e a no cjapâ nissun impegn.



**Gjambar.** Tal lavôr tu rivis a meti in pratiche lis tôs cognossincis e i coleghis ti disin grazie.



**Belance.** La Lune e à voie di fâti cualchi dispriet e cussi, tant che tu ti gjoldis un moment di pàs, jè ti fâs un çopedon.



**Bec di mont.** Tu âs tacât l'an plen di fuerce e di voie di rivâ, lis stelis a son de tô bande, ce vuelistu miôr di cussi?



**Taur.** Ti è vignude tal cjâf une persone che no tu viodis di un pieç, tu fasis ben a clamâle.



**Leon.** Tu sês plui viert cu la int e chest ti permet di cognossi personis gnovis, cualchidune e pues diventâ tô amie.



**Sgarpion.** Doman tu âs di dismenteâ fats e personis leâts al to passât.



**Agarûl.** Tu vuelis une vite comude e plene di gjolditi e par velle tu fasis tancj sfuarçs, atent però a no lassâ indaûr la famee.



**Zimui.** Intes discussions in famee tu âs di vê un grum di pazienze e no tu âs di rabiâti. Cussi dut si sclaris miôr.



**Vergjine.** La energjie di chei dîs achi ti puarte a fâ une vore di sport, ma une compagne no tu le âs intai rapuarts cun chei altris.



**Sagjitari.** Sta plui dongje a fradis e amis parcè che a podressin dâti il consei just.



**Pes.** Tu âs di frontâ un biel dubi: restâ leât ae vite di ogni dì o fâ un biel viaç? In duç j' doi i câs tu cjararâs un truc.

